

PISA

2022

PISA PROBA EZAGUTZEN EZAUGARRIAK, ITEMEN ADIBIDEAK ETA SIMULAZIOA

Irakurketarako konpetentzia

IKASLEENTZAKO MATERIALA



Zer da PISA?

Ikasleen Nazioarteko Ebaluaziorako Programa (PISA, ingelesezko sigletan) **irakurketarako**, **matematikarako** eta **zientziarako** konpetentzien ebaluazio digitala da, ordenagailuz egiten dena. Proba 80 herrialde eta hezkuntza-sistema baino gehiagotan egiten da.

2022an, **pentsamendu sortzailea** ere ebaluatuko da.

PISA ebaluazioaren galderek 15 urteko ikasleentzako zailtasun maila egokia dute.

PISA ebaluazioa honela egiten da: **proba kognitiborako 2 orduko saio bat**, eta, ondoren, **testuinguruari buruzko galdera-sorta** egiteko beste saio bat.

Zer gertatuko da PISAREN ebaluazioaren egunean?

Proban zehar, **bi konpetentziatako galderak** erantzun beharko dituzu (adibidez, irakurketa eta matematika).

PISAK proba mota ezberdinak ditu eta erantzungo dituzun bi konpetentziak ausaz aukeratzen dira.

Baliteke zuk erantzun beharko dituzun galderak ikastetxeko beste ikasle batzuen galdera berak ez izatea.

PISA probaren aplikatzaile bat arduratuko da saioaz, baita zuri laguntzeaz ere, zailtasun teknikoren bat izanez gero. Gidoi bat ozenki irakurri eta denbora kontrolatu ere egingo du.

Nola ebaluatzen da PISAn?

PISAn, **galdera batzuk ordenagailuak ebaluatzen ditu.** Beste batzuk, berriz, **kodetzaile profesionalen talde batek** ebaluatuko eta kodetuko ditu ebaluazioa egin ondoren.

Galdera bakoitzari zein neurritaraino ondo erantzuten diozunaren arabera ebaluatuko zaizu.

Ez zaizu banakako notarik emango.

Emandako denboran proba **ahalik eta ondoen egiten** saiatu behar duzu.

Nola prestatuko naiz PISArako?

- **Ez duzu** PISA ebaluaziorako **prestatu beharrik.**
- PISAn ez da ebaluatzen ikastetxean irakasten dena buruz ikasteko gai zaren ala ez; aldiz, ebaluatzen da emandako informazioa ulertzeko eta planteatutako problemak konpontzeko ezagutza eta trebeziak nola erantzuten dituzun.

Proba egin aurretik, orientazio batzuk irakurriko dituzu. Orientazio hauek azalduko dizkizute:

- Egon daitezkeen **galdera eta erantzun motak;**
- **Ordenagailuan** zer egin behar duzun.

Esaldiak

Praktika

Irakurri esaldia. Egin klik **BAI** aukeran esaldiak zentzua badu, edo egin klik **EZ** aukeran esaldiak zentzurik ez badu.

Leihoak ozenki abestu zuen abestia.

BAI EZ

1. ADIBIDEA

Irakurtzeko arintasuna/Esaldiak

PISAren irakurketa probaren zati honetarako, esaldi batzuk irakurriko dituzu eta **zentzua duten ala ez** erabaki behar duzu. Guztira, hiru minutu izango dituzu ahalik eta esaldi gehienei erantzuteko. Hurrengo esaldia aurrekoari erantzun bezain laster agertuko da.

Esaldia irakurri ondoren, **zentzua duela** uste baduzu, "Bai" aukeratu. **Zentzurik ez duela** uste baduzu, "Ez" aukeratu.

Esaldi honetarako, erantzuna hau da: _____.

Oiloel buruzko foroa
 Galdera 1 / 7

Begiratu Oiloen Osasuna foroari eskuinean. Egin klik aukera batean, galderari erantzuteko.

Zer jakin nahi du Iraia_88-k?

- Ea aspirina eman diezalokeen mina duen oilo bati.
- Ea aspirina zenbatean behin eman diezalokeen mina duen oilo bati.
- Ea nola jarri harremanetan albaitariarekin, mina duen oilo bati buruz.
- Ea nola zehaztu ote dezakeen mina zenbatekoa den, mina duen oilo batengan.

Oiloen Osasuna
 Oilo osasuntsuak izateko sareko baliabidea

Honi buruz **Foroa** Argazkiak

Aspirina oiloentzat

Iraia_88
HIZKETAREN HASIERA
Bidalketa: urriak 28, 18:12

Kaixo denei!
 Eman al diezaloket aspirina oiloari? 2 urte ditu eta uste dut mina duela hankan. Ezin naiz astlehenera arte albaitariarengana joan, eta ez dit telefonorik hartzen. Oiloak min handia duela dirudi. Zerbait eman nahi nioke, albaitariarengana joan arte hobeto senti dadin. Eskerrik asko laguntzeagatik.

NereaB79
Bidalketa: urriak 28, 18:36

Ez dakit aspirina oiloentzat egokia den edo ez. Nik beti albaitariari galdetzen diot hegaztiei botikak eman aurretik. Badakit gizakiontzat seguruak diren botikak oso arriskutsuak izan daitezkeela hegaztientzat.

Maite
Bidalketa: urriak 28, 18:52

Nik aspirina eman nion gure oiloetako bati mina zuenean. Ez zuen arazorik izan. Hurrengo egunean albaitariarengana joan nintzen, baina ordurako hobeto zegoen. Uste dut arriskutsua izan litekeela gehiegi ematea; beraz, ez gainditu dosiaren mugak! Ea hobeto jartzen den!

Hegaztietan_Eskaintzak
Bidalketa: urriak 28, 19:07

Kaixo! Ez ahaztu hegaztientzako hornigaietan ditudan eskaintza merke-merkeak begiratzea. Sekulako beharpena dut oraintxe!

Bittor
Bidalketa: urriak 28, 19:15

Norbaitek esango al dit nola jakin oilo bat gaixo ote dagoen? Mila esker.

Felix
Bidalketa: urriak 28, 19:21

Kaixo, Iraia:
 Albaitaria naiz, eta hegaztietan espezializatuta. Ondo dago mina duten oiloel aspirina ematea, baldin eta minez daudela ikusten bazaie. Hegaztiei aspirina emateko agintzean, Hegaztiei buruzko Medikuntza Klinikoa liburuko gidalerroei jarraitzen diet. Oiloel 5 mg aspirina eman behar zaie gorputzeko pisuaren kilo bakoitzeko. Egunean 3-4 aldiz eman dakieke albaitariarengana joan arte. Oso garrantzitsua da albaitariarekin segimendua egitea. Zorte on!

2. ADIBIDEA

Aukera anitza

PISAREN galdera batzuek zerrenda bateko **erantzun bat aukeratzeko** eskatzen dizute.

Adibide honetan, Iraia_88ren hitzak irakurri eta ulertu behar dituzu.

Hautatu Iraia_88k jakin nahi duena ondoen deskribatzen duen aukera.

Adibide honetan, erantzuna _____ da.

Simulazioa

Orain, probaren egunean egingo duzun estiloko zenbait item egin ahal izango dituzu.

Gogoan izan, behar bezala erantzuteko, **galderak eta informazioa ondo irakurri** behar dituzula.

Lehenik eta behin, nola erantzuten den eta pantailan nola nabigatzen den azaltzen duten jarraibideak aurkituko dituzu.

Ondoren, hainbat motatako itemak aurkituko dituzu.

Item batzuetan programarekin elkarreragin dezakezu erantzuna aurkitzeko.

Simulazioan sartzeko "Sartu" botoian sakatu.

Sartu

Beste adibide batzuk

Hemen dituzu Pisaren aurreko probetan irakurketarako konpetentzia neurtzeko erabil itako beste item batzuetarako estekak.

Esteka bakoitzak hainbat eduki, eta galdera mota desberdinak ditu.

Erantzun bakoitzaren ondoren, zuzena zein den eta zergatik den azaltzen da.

Bereziki irakurtzeko arintasuna/esaldiak lantzea gomendatzen da. PISA 2018an, ikasleek zailtasun handiak izan zituzten proba mota horietan.

Itemen adibideak

Oiloei buruzko foroa:

<https://pisa2018-questions.oecd.org/platform/index.html?user=&domain=REA&unit=R548-ChickenForum&lang=eus-ESP>

Pazko uhartea:

<https://pisa2018-questions.oecd.org/platform/index.html?user=&domain=REA&unit=R551-RapaNui&lang=eus-ESP>

Behi esnea:

<https://pisa2018-questions.oecd.org/platform/index.html?user=&domain=REA&unit=R557-CowsMilk&lang=eus-ESP>

Irakurtzeko arintasuna/Esaldiak:

<https://pisa2018-questions.oecd.org/platform/index.html?user=&domain=REA&unit=R590-Sentences01&lang=eus-ESP>